

AKASHVANI AIZAWL

REGIONAL NEWS UNIT

AAP

Aam Admi Party(AAP) chuan sorkar in tun hnaia damlo zu mamawh tana RED CARD siam phalna tura kum tin cheng 5000 chawi ngai a tih chu tha an tih lo thu sawiin, cheng 5000 sen ngai lo in damlo te sorkar in free se an tih thu an sawi. (BYTE)

Vawiin khan Aizawl Press Club-ah thuthar thehdarh tute kawmin AAP Vice President Lalhmangaiha Pachuau MUHCS kalpui mek chu tha an tih thu an sawi a, amaherawhchu inziah luh hunbi awm tohlo se an ti a ti a, Mizoram Sorkar hmasate'n an la lak ngai loh kawng siamthatna/enkawlna (Road Cess) leh khawtlang hmasawlna ruhrel siamna (Social infrastructure cess) tur chhiah, petrol leh diesel-ah litre 1 a cheng 4 September 2024 atanga chawi char char hmangin Mizoram pum kawng siamtha se, khawtlang hmasawlna ruhrel hi a takin mipui hnen thleng se an ti a, he sum lut leh chhuahna hi mipui hnenah langtlang takin puanzar tur in Sorkar an phut tlat tih an sawi bawk a ni

AAP chuan inthlan hmaa ZPM leader, tuna Chief Minister ni ta in ZPM Chief Minister in porfolio a neive dawn lo tih a sawi hnua, tuna Portfolio 7 lai a chang leh ta mai chu mipui te bumna a nih thu sawiin, Chief Minister chu a thusawi angin awm se an tih thu an sawi a. Special Intensive Revision ah Chakma tamna khua 23 laia voter zaa 100 pung chu dan dik taka pung nge dan dik lo a pung tih hi Sorkar in enfiah nghal se an ti.



FLOWER SHOW

Pangpar Zuar Association buatsaihin Aijal Club Park (City Park)-ah Flower show cum Fair neih mek a ni.

Flower show cum Fair hi Thawhlelni atang khan neih tan niin naktuk thleng neih a ni dawn a. Pangpar chi hrang hrang, thlai chi leh lei tha zuar seat 147 an in pho a ni.

Akashvani Aizawl zawhna chhangin Pangpar Zuar Association Secretary Jacob Lalrinawma chuan tun dinhmun ah member 400 chuang aizawl leh aizawl pawn atangin an awm mek thu sawiin, pangpar zuar association te chu pangpar zuara eizawng leh chhungkaw chawm te an nih hlawm thu a sawi.

Pangpar zuar Association Secretary chuan fur ruahtui tlak lai anih avangin tum dang angin an in hralh that loh thu a sawi a, naktuk bik erawh fair tawp ni a nih angin pangpar leh thlai ah te sale an kalpui dawn a, mi zawng zawng fair lo chhim turin an sawm a ni.



SERCHHIP REFUGEES RELIEF

Serchhip District chhunga raltlan awm mekte hnena sem tur Buhfai Kg sing 3 & 1789 chu Serchhip DC Office tual atangin Serchhip Bawrhsap Pu Paul L. Khuman a vailiam.

Serchhip District Bawrsap chuan YMA ten raltlan list-an lakkhawmte hnenah mi pakhat tan kg 35 zela semchhuah a ni dawn a ti a. Sub Headquarters YMA Serchhip-in a huam loh Baktawng leh Chhuanthar Tlangnuam huam chhunga mite tan pawh July 24 -ah chuan sem fel vek tura ruahman a ni a ti.

Tun dinhmunah Serchhip District-ah raltlan mi 908 an awm mek a, heng zinga mi 648 te chu Myanmar atanga raltlan niin Bangladesh atanga raltlan mi 239 leh Manipur atanga raltlan mi 21 an awm bawk a ni.

Raltlan List-a a lan danin Thenzawl Farm Vengah raltlan tam berin mi 172 an awm a, raltlan awm tlemna ber chu Khawbel niin mi 2 an awm thung. Heng bakah hian Bangladesh atanga raltlan mi 239 te hi Thenzawl-a awm te vek an ni thung a ni.



TAEKWONDO

Kolasib Diakkawn khua Vanlalmangaihi chuan Beijing Taekwondo Super League ah Gold Medal a la.

Akashvani Aizawl Palai thudawn danin Vanlalmangaihi, Kolasib New Diakkawn, chuan tun thla ni 21 a Beijing China-a 17th Beijing Taekwondo Super League – One Horse First Cup , inelna neihah, Senior Under-30 Category ah Gold Medal a la a, He inelna hi Knock Out System- a khelh niin ,Vanlalmangaihi hian he inelna ah hian mi paruk tum puiin a khingpui te hi a hneh vek a, Final Round ah hian a khingpui Vietnam mi chu – 7.40 point score in a hneh a ni.

Vanlalmangaihi hi Chinese coach enkawl-International Peace Taekwondo Group hnuaia khel a nih thu dawn a ni a, an group ah hian member Korea , Mongolia, Spain, Vietnam,Nepal leh India an ni a, Kazakhstan leh Pakistan atanga te pawn member nei thin a ni.

Vanlalmangaihi hi tunah hian Beijing China-ah Capital University of Physical Education and Sports ah preparatory class ah la awm mek in, language a la zir mek a, China ah hian University zawm tur hian HSK language level hi level 4 pass a ngai tih sawiin thla hmasa khan a exam a pek tawh thu a sawi a, kar thar lamah result te chhuah tur thu sawiin , a result a zir hian University ah hian a zirna a chhunzawm theih tur thu a sawi a ni.

